



Bosnia and Herzegovina  
Federation of Bosnia and Herzegovina

CANTON SARAJEVO  
Ministry for Education

Broj: 11-04-34-16407-22.1/21  
Sarajevo, 6.5.2021. godine

**SKUPŠTINA KANTONA SARAJEVO**  
n/r Elmedina Okerića, Predsjedavajući Skupštine Kantona Sarajevo  
-ovdje-

**PREDMET: Odgovor na zastupničko pitanje**

Na 34. Radnoj sjednici Skupštine Kantona Sarajevo, održanoj 7.4.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo, zastupnik Damir Nikšić podnio je zastupničku inicijativu za povećanje fonda sati izučavanja teme Holokaust u okviru realizacije nastave iz predmeta Historija u osnovnim i srednjim školama na području Kantona Sarajevo te da se do formiranja Muzeja Holokausta u Sarajevu, u nastavni plan i program uvrsti i obavezna organizovana posjeta učenika Muzeju Jevreja u zgradi Starog hrama najmanje jednom godišnje u kontekstu 27. januara Međunarodnog dana sjećanja na žrtve Holokausta.

## **ODGOVOR**

Tema Holokaust se u okviru nastavnog predmeta Historija, izučava u osnovnim i srednjim školama, u okviru teme koja se odnosi na rasne ideologije, odnosno teme Drugi svjetski rat.

Uzimajući u obzir da se tema Holokaust izučava npr. 2 sata u 9. razredu osnovne škole ili u gimnazijama u 2. razredu-1 čas te u 3. razredu-2 časa, na stanovištu smo da tema nije dovoljno zastupljena.

Važnost izučavanja Holokausta sa posljedicama koje se nastale za vrijeme i nakon Drugog svjetskog rata je tema o kojoj trebaju učiti mlade odnosno nove generacije koje stasavaju.

Nažalost, u 21. stoljeću smo bili svjedoci ponovnog pokušaja istrebljenja jednog naroda-genocid u Srebrenici i stoga smo dužni učiti generacije mladih o strašnim događajima iz Drugog svjetskog rata i za vrijeme agresije na Bosnu i Hercegovini te napraviti paralelu, staviti ove događaje u sadašnji kontekst, zasnovane isključivo na naučno utemeljenim činjenicama.

Na ovaj način, šireći znanje učenika, ćemo moći biti sigurni da će odgoj i obrazovanje mladih ljudi koji svoje osnovnoškolsko i srednjoškolsko obrazovanje stiču u Kantonu Sarajevo, biti zasnovano na temeljima pravičnosti i istine.

Ministarstvo za odgoj i obrazovanje u potpunosti podražava predmetnu inicijativu zastupnika Damira Nikšića.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1

